



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

27 փետրվարի 2019 թվականի №40Ա  
քաղ. Երևան

**«ՔՈՆԹՈՒՐԳԼՈՒԲԱԼ ՀԻՂՐՈ ԿԱՍԿԱՂ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ՝  
ԳՈՒՅՔ ՕՏԱՐԵԼՈՒՆ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Հաշվի առնելով, որ՝

ա) «ՔոնթուրԳլոբալ Հիղրո Կասկաղ» փակ բաժնետիրական ընկերությունը (այսուհետ՝ Ընկերություն) 2018 թվականի նոյեմբերի 28-ի №0149\_2018 գրությամբ դիմել է Հայաստանի Հանրապետության հանրային ծառայությունները կարգավորող հանձնաժողով (այսուհետ՝ Հանձնաժողով)՝ խնդրելով համաձայնություն տալ Ընկերության լիցենզավորված գործունեության իրականացման համար անհրաժեշտ հիմնական գույքի օտարմանը (այսուհետ՝ Գործարք)։

բ) Հանձնաժողովը, ղեկավարվելով «Էներգետիկայի մասին» օրենքի 27-րդ հոդվածի 3-րդ կետով, 2019 թվականի հունվարի 15-ի №ՄՄ/2.3-53/36-19 գրությամբ դիմել է Հայաստանի Հանրապետության վարչապետի աշխատակազմ՝ գործարքի վերաբերյալ կառավարության դիրքորոշումն ստանալու նպատակով։

գ) Հայաստանի Հանրապետության վարչապետի աշխատակազմի ղեկավարի 2019 թվականի փետրվարի 13-ի №02/16.10/5011-2019 գրությամբ ներկայացվել են Հայաստանի Հանրապետության վարչապետի սույն թվականի հունվարի 18-ի №02/16.10/2023-2019 հանձնարարականով Հայաստանի Հանրապետության ազգային անվտանգության ծառայության, Հայաստանի Հանրապետության արդարադատության, Հայաստանի Հանրապետության տնտեսական զարգացման և ներդրումների, Հայաստանի Հանրապետության էներգետիկ ենթակառուցվածքների և բնական պաշարների նախարարությունների ներկայացրած դիրքորոշումները՝ Գործարքի մասով առարկություններ չունենալու վերաբերյալ։

դ) Գործարքին համաձայնություն տալը, «Էներգետիկայի մասին» օրենքի 27-րդ հոդվածի 3-րդ կետի համաձայն, չի խախտում էներգետիկ համակարգի հուսալիությունը, անվտանգությունը և ներքին շուկայի սպառողների շահերը, չի վնասում ազգային անվտանգությունը և պետական շահերը, իսկ ձեռքբերողի՝ որպես էլեկտրաէներգետիկական համակարգում լիցենզավորված գործունեություն իրականացնող և անհրաժեշտ փորձ ունեցող անձի վերաբերյալ դրույթը Գործարքի նկատմամբ կիրառելի չէ, և

հիմք ընդունելով «Էներգետիկայի մասին» օրենքի 27-րդ հոդվածը Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Համաձայնություն տալ Ընկերության լիցենզավորված գործունեության իրականացման համար անհրաժեշտ հիմնական գույքի օտարմանը՝ համաձայն հավելվածի:

2. Ընկերությանը՝ ընդունել ի գիտություն, որ՝

1) Սույն որոշման հավելվածում նշված գույքի օտարման արդյունքում ստացված եկամտի հաշվարկն իրականացվում է շուկայական արժեքի հիման վրա և նվազեցվում է Ընկերության սակագնով փոխհատուցման ենթակա ներդրումների ծավալից.

2) Ընկերությունն իրավասու է սույն որոշումը բողոքարկել Հանձնաժողով կամ Հայաստանի Հանրապետության վարչական դատարան՝ այն ուժի մեջ մտնելու պահից երկամսյա ժամկետում:

3. Սույն որոշումն ուժի մեջ է մտնում Ընկերության օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ՍԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀԻ ՏԵՆԿԱՆ**



*[Handwritten signature]*  
**-Ս. ՍՈՂՈՍՈՅԱՆ**